

玉海



040

1000:82

34890

詩地理攷卷第三

浚儀王應麟伯厚甫

雅

鄭氏譜曰小雅大雅者周室居西都豐鎬之時詩也
始祖后稷由神氣而生有播種之功於民公劉至于
大王王季歷及千載越異代而別世載其功業爲天下
所歸文王受命武王遂定天下盛德之隆大雅之初
起自文王至于文王有聲據盛隆而推原天命上述
祖考之美小雅自鹿鳴至于魚麗先其文所以治內
後其武所以治外此二雅逆順之次要於極賢聖之

明著天道之助如此而已矣大雅生民下及卷阿小雅南有嘉魚下及菁菁者莪周公成王之時詩也傳

曰孔氏曰未知此傳在何書

文王基之武王鑒之周公內之謂其

追同終始相成比而合之故大雅十八篇小雅十六篇爲正經其用於樂國君以小雅天子以大雅然而
賓賓或上取燕或下就何者天子饗元侯歌肆夏合
入王諸侯歌文王合鹿鳴諸侯於鄰國之君與天子
於諸侯同天子諸侯燕羣臣及聘問之賓皆歌鹿鳴
合鄉樂此其著略大校見在書籍禮樂崩壞不可得
詳大雅民勞小雅六月之後皆謂變雅美惡各以其

時亦顯善懲過正之次也問者曰常棣閔管蔡之失道何故列于文王之詩曰閔之閔之者閔其失兄弟相承順之道至於被誅若成王周公之詩則是彰其罪非閔之故爲隱推而上之因文王有親兄弟之義又問曰小雅之臣何以獨無刺厲王曰有焉十月之交雨無正小旻小苑之詩是也漢興之初師移其弟耳亂甚焉旣移又改其目義順上下刺幽王亦過矣朱氏曰正小雅燕享之樂也正大雅會朝之樂受釐陳戒之辭也及其變也事未必同而各以其聲附之

周道郁夷

地理志右扶風郁夷縣注詩周道郁夷顏氏曰四牡詩周道倭遲韓詩作郁夷言使臣乘馬於此道

管蔡

郡國志河南中牟有管城管叔邑河内山陽有蔡城
蔡叔邑山陽故城在懷州脩武縣西北
括地志鄭

括地志

州管城縣今州外城卽管國城叔鮮所封豫州

州今蔡

上蔡縣在州北七十里古蔡國外城叔度所都城也

有蔡岡在縣東十里因名 宋忠云胡徙居新蔡

輿地志平侯徙新蔡

昆夷

混夷

串夷

周穆王伐畎戎

孫毓曰按書傳文王七年五伐有伐密須大夷黎邦

崇 漢匈奴傳周西伯昌伐畎夷注畎夷即畎戎也

又曰昆夷或作混又作緄並音工本反亦曰犬戎山海經云黃帝

生苗龍苗龍生融吾融吾生弄明弄明生白犬白犬有牝牡是為犬戎說文赤戎本犬種故字從犬

隴以西有畎戎 史記自隴以西有緄戎 緄混夷

駿矣音昆 說文引詩大夷咽矣 皇矣串夷載路鄭氏曰即

混夷西戎國名 孟子文王事昆夷書大傳注引詩畎夷咏矣

徽稅

史記匈奴傳唐虞以上有山戎獫狁葷粥居于北蠻

顧氏曰皆匈奴別號晉灼曰堯時曰葷粥周曰獫狁秦曰匈奴

孟子大王事獯

鬻曹氏曰西北二虜相犄角爲寇故征獯狁則西戎作伐西戎則獯狁平漢匈奴傳武王伐紂而管
雒邑復居於酆鎬放逐戎夷涇洛之北以時入貢名
曰荒服懿王時戎狄交侵暴虐中國詩人始作疾而
歌之曰靡室靡家獯狁之故

往城於方朔方

毛氏曰方朔方近獯狁之國也朱氏曰今靈夏等

州之地曹氏曰卽六月所謂侵鎬及方郡縣志夏

州朔方縣什賁故城在縣治北卽漢朔方縣之故城

也詩所謂王命南仲城彼朔方是也漢武帝元朔二年收河南地置朔方五原郡使蘇建築朔方什賁之號蓋蕃語也程氏曰城朔方而獵狁之難除禦戎狄之道守備爲本不以攻戰爲先也史記匈奴傳戎狄逐周襄王暴虐中國故詩人歌之曰出與彭彭城彼朔方漢書宣王興師征伐詩人美大其功曰出車彭彭城彼朔方

西戎

朱氏曰昆夷也後漢西羌傳武乙暴虐大戎寇邊周古公踰梁山而避于岐下及子季歷遂伐西落鬼

戎太丁之時季歷復伐燕京之戎戎人大敗周師後
二年周人克余無之戎於是太丁命季歷爲牧師自
是之後更伐始呼翳徒之戎皆克之竹書紀年及文王爲
西伯西有昆夷之患北有獫狁之難遂攘戎狄而戍
之莫不賓服乃率西戎征殷之叛國以事紂

南有嘉魚

毛氏曰江漢之間魚所產也 左太冲蜀都賦嘉魚

出於丙穴陸氏曰丙穴在漢中沔陽縣北穴口向丙故曰丙類要丙水出丙穴在興州順政

縣今沔州文選江丙地名有魚穴二所常以三月取之丙者向陽穴也興地記穴口廣五六尺泉源垂注有嘉魚常以三月自穴下透入水太景山在興州南七十里與小景山相連本作丙以避諱改

北有丙
人產嘉魚

四海

爾雅九夷八狄七戎六蠻謂之四海疏曰夷類有九
畎夷于夷方夷黃夷白夷赤夷玄夷風夷陽夷又玄
菟樂浪高驪滿飾鳧更索家東屠倭人天鄙蠻類有
八天竺咳首僬僬跛踵穿胸僂耳狗軹旁春戎類有
六僬夷戎夫老白耆羗鼻息天剛狄類有五月支穢
貊匈奴單于白屋

焦獲

毛氏曰周地接于獫狁者爾雅十藪周有焦獲

孫炎云周

岐周郭璞注今扶風池陽縣瓠中是也寰宇記焦獲藪在京兆府

涇陽縣北外十數里亦名瓠口溝洫志韓水工鄭國說秦令鑿涇水自中山西即瓠口為渠班彪北

征賦夕宿瓠口之玄宮注以為焦獲朱氏曰焦未詳所在獲郭璞以

為瓠中今在耀州三原縣孔氏曰澤藪在瓠中而藪外接于猓狁

鎬方

鄭氏曰鎬也方也皆北方地名孔氏曰漢劉向疏

云吉甫之歸周厚賜之其詩曰來歸自鎬千里之鎬

猶以為遠鎬去京師千里顏師古注鎬非豐鎬之鎬

王肅以為鎬京王基駁之朱氏曰劉向以為千里之鎬則非鎬

京之鎬矣未詳所在方疑即朔方也

涇陽

鄭氏曰涇水之北

孔氏曰水北爲陽

通典今涇原州地並

涇水之陽郡縣志原州平涼縣本漢涇陽縣地今

縣西四十里涇陽故城是也涇水源出百泉縣西南

涇谷

地理志并頭山淮南一名薄落山故涇水亦曰薄落水平涼縣今屬渭州

孔氏

曰涇去京師爲近

大原

禹貢既修大原顏師古曰即今晉陽黃氏曰晉大

原大鹵大夏夏虛晉陽凡六名朱氏曰大原亦曰

大鹵今在太原府

穀梁傳中國曰大原夷狄曰大鹵

左傳注大鹵

大原晉陽縣

漢太原郡治晉陽

後漢西羌傳穆王遷戎于

大原夷王命虢公率六師伐大原之戎至于俞泉宣

王遣兵伐大原戎不克

周語宣王料民於大原

孔氏曰杜預云西河介休縣南有地名千畝則王師

與姜戎在晉地而戰也

毛氏曰至于大原言逐出

之而已

史記戎狄逐周襄王暴虐中國故詩人歌

之曰薄伐獫狁至于大原

九域志古京陵在汾州

周宣王北伐獫狁時立

郡縣志在平遙縣東七里

漢京陵縣又曰大原臺駘之所居

帝王世紀帝堯

徙晉陽即今大原也

地理志趙西有大原秦莊襄

四十初置太原郡

漢二十縣

唐開元十一年改并州

爲太原府高齊移晉陽縣於汾水東隋開皇十年於
州城中古晉陽置太原縣在州東二里百六十步太
平興國四年省入榆次薛氏禹貢解曰太原在榆
次縣左傳晉居溪山戎狄之與鄰而遠於王室王
靈不及拜戎不暇

中行穆子敗狄于太原注晉陽縣

中鄉

鄭氏曰美地名

蠻荆

毛氏曰荊州之蠻也鄭諸史伯曰當成周者南有

荆蠻

注平姓之蠻
驚熊之後也

叔熊逃難於漢而蠻

漢蠻

蠻芊蠻

矣

謂叔熊

晉語叔向曰昔成王盟諸侯於岐陽楚爲

荆蠻

注荆州之蠻

置茅絕設望表與鮮牟

東夷國

守燎故不

與盟

吳語有蠻荆之虞

後漢南蠻傳槃瓠後滋

蔓今長沙武陵蠻是也周世黨眾彌盛宣王中興乃

命方叔南伐蠻方詩人謂蠻荆來威

楚世家熊霜元年周宣王初立

曹氏曰宣王北伐之事大矣然止見於六月之詩

其所任者吉甫一人而已至於南征在小雅見於采

芑者則命方叔在大雅見於江漢者則命召虎見於

常武者則命大師皇父而各言其成功則荆蠻淮夷

之作難非一時其所任非一人

東都

朱氏曰東都洛邑也周公相成王營洛邑爲東都以
朝諸侯周衰久廢其禮至宣王復會諸侯左傳成
王合諸侯城成周以爲東都通鑑外紀成王使召

公先相宅周公至洛師復卜申視營築謂之王城是
爲東都制郊畿方因西土爲方千里分爲四縣

縣有四郡郡有鄙曰此天下之中四方入貢道均

書傳

云五年營
成洛邑

晁氏曰昔夏后初都陽城南踰洛陽百

里而遠成湯遷亳殷東踰洛陽五十里而近皆會洛

陽而不都周興武王既定鼎郊廓厥後召公相宅洛
邑周公營成周其意盛矣而成王卒不果遷逮夫宣
王中興自濟之洛狩于圃田及于敖山因以朝諸侯
車攻之詩作焉豈不欲成周召之志歟且宣王嘗狩
于岐而石鼓之詩亦偉矣夫子乃舍而弗錄得非岐
之狩爲常而東都之狩非常乎惜夫宣王卒亦不果
遷矣至平王是遷而周衰矣 王氏曰成王欲宅洛
者以天事言則日東景朝多陽日西景夕多陰日南
景短多暑日北景長多寒洛天地之中風雨之所會陰
陽之所和也以人事言則四方朝聘貢賦道里均焉